

織簾書屋詩鈔

織簾書屋詩鈔卷七

辛丑壬寅

天津 沈兆澐 雲巢

春暮江上

棟花風惻惻江上又春深山雨添濃翠  
檣鳥送好音投鞭誰徑渡橫鎖昔空沉  
煙水茫茫綠蒙衝何處尋

臨清

前行無牖阻風細片帆斜黃漲麥芒水  
白開梔子花飛禽喧曠野落日淡平沙  
夜傍荒村泊荆籬三兩家

夜泊茱萸灣

孤村黃葉脫秋色老霜林舟泊寺門靜夜觀江水深蛩  
聲催客鬢鐘響淡塵心一片空明界中天皓月臨

阻風與鄰舟閒話

雲起分僧寺橋長聚釣舟茶餘紛客話賭勝數前遊  
我似堂前燕年年去復還與君誇眼福飽看六朝山

和友感懷

平生不解合時宜山水相逢愜賞奇偃蹇虞翻無媚骨  
登臨謝朓有新詩攜琴海上成孤賞聞笛山陽感故知  
幾樹庭前親手植功名應爲子孫期

人間險境信如何，選佛場中尚有魔。  
金鑠那須讒口衆，箕張翻出舊交多。  
澄心秋水冰壺貯，慧眼浮雲海嶠過。  
止謗從來在無辨，不煩詞譜定風波。

江行偶成

南朝勝境望中開，千里乘潮鼓柁回。  
夜雨多情畱客住，秋鴻有信渡江來。  
扶搖雲影三霄逼，荏苒霜華兩鬢催。  
不分鍾山邱壑好，彥倫一任長蒿萊。

讀張文端查初白詩集

黑頭事業三公職，白髮科名七品官。  
詩卷流傳同輩少，

文人際遇似君難禁中先後呼才子林下優游樂考槃  
的是香山渭南派半生閒適兩神仙

金陵登舟

又攜書畫滿船中飽挂蒲帆趁曉風千里鶯花三月暮  
一天煙雨大江東案無公牘勞形少客有閒心覓句工  
作吏於今差不俗看山聽水臥疏篷

戲詠望江南花

清歌唱罷後庭寒嫩娜名花賸畫欄也似當年庾開府  
每從江北望江南

和友人邨居韻

不盡斜陽影邨中更有邨細流分百道老樹蔽重門市  
遠無車轍年豐互酒罇愛他淳樸意祇識白頭尊

白雲最深處三戶亦成邨伐木微通徑催租罕到門菜  
畦人抱甕田舍客攜罇遊覽無奔走身由不仕尊

用陸句

舟行

天暮四邊紅舟行落照中來朝防斷渡月上似彎弓

卽景

雲斂天光透蔚藍林花滴瀝燕呢喃新晴恰好微風起

舟自北行水自南

淮安夜泊

菜花開殿百花香果熟櫻桃麥穗黃千樹風聲疑雨集  
一川月影浸波涼何人把釣苔痕沒有客登樓笛韻長  
擊楫年年熟遊地不堪思舊過山陽

喜雨

大麥青青小麥黃舍南舍北菜花香駕犁布穀聲聲急  
一雨西風四月涼

太平河

欲渡不得渡竟日觀流水牙檣碧柳陰重重如櫛比倉  
庾待米來潞河勞翹企云何阻袁江兼旬徒止止我無  
縮地術厭舟思車軌入夜聲鱗鱗夢聞輒心喜

雜詩

寒燠互代謝陰陽迭虧盈物育不相害大造持其衡風  
搖樹不靜水激石亂鳴古聖善弭患心平政亦平  
力竭必覆車行疾多窘步徒快一時意乃貽畢世誤圖  
新終則傾何如慎守故老彭述不作閱歷殆有素

徐州道中

鷓鴣催雨鵲催晴併作徐方鼓吹聲屋小編茅成聚落  
田荒施網代耒耕水流纚纚晝長靜雲起飄飄山欲行  
驛路蕭條過廣武英雄成敗付閒評

偶成

觸緒填胸擾萬端祇緣微病卻心安二三僑札經年別  
九百虞初縱目觀翻手作雲乘勢易虛懷若谷受人難  
雞蟲得失何時已徙倚長江草閣看

望黃石山

千里南徐下碧津水光雲影渙魚鱗三旬行過彭城外

又見青山似故人

盤紆山勢縠城連  
黃石祠堂鎖碧煙  
恍見平明圮橋上  
丹黎赤舄地行仙

千頃堂書目

黃氏著書目四部廣搜尋藝文備明代兼及宋元金隋  
書補漢晉義例垂古今恍若遊奎壁六合光芒臨朱氏  
經義考采擇集璆琳橫雲妄芟削罔知用意深見聞逾  
內府網羅具苦心父子自紹述敘略如向歆

我祖莊敏公畱都位冢宰昔官京兆尹百年遭愛在修

志徵文獻利弊示因改寥寥六卷存文省事則倍靈壽  
傳稼書武功傳康海斯文竝不朽古樸異錯采書目入  
史部曾經四庫采詳述修志年萬厯癸巳載

舟中望嶧縣諸山

好山如高士偃蹇遠市朝山上多白雲可卽不可招我  
行過嶧縣雜沓峯岩薺芙蓉開萬朵秀色淩丹青蒼煙  
何蓊鬱洞壑籠輕綃精舍竹叢繞髣髴山之椒春湖浩  
無際波光千頃搖勝槩隔塵世欲濟無仙橈蓬萊舊樓  
止樓臺天際遙觀奕曾幾日路迷爛柯樵觸目動遊興

山靈恍見邀何當  
侶麋鹿高臥怡松喬

微山湖

微山接昭陽  
瀾漫數百里  
極目竟徐間  
不盡行邇迤蒼  
茫遠天低  
依稀羣山峙  
萬頃空雲煙  
四圍失涯涘  
清風颭然來  
輕波漾止水  
皚皚練光浮  
淨絕纖塵滓  
定有枕流人家  
住蘆花裏  
一聲欸乃歌  
無數鷺鷥起

詠史錄一

文武兼資衆望同  
時危全仗出羣雄  
夷吾經濟安江左  
頗牧韜鈴出禁中  
上策防邊無啟釁  
長才謀國在和衷

海隅清晏金甌固受吏共球九譯通

題華梅莊袖海圖

蒼茫獨立神春容天風浪浪水洶洶思掣鯨魚鞭蛟龍  
歛袂卻似藏英鋒修月曾攀桂花濃高摘星斗羅心胸  
遊興徑擬從赤松蓬山不隔雲重重會看手把玉芙蓉  
領袖羣仙第一峯

懷王蓉橋湯穆門徐蔗園華梅莊江甯署中

聞道樓船下建康海防疏後失江防三軍墨氣空城閉  
四面風聲夏月涼撫劒光沖牛斗氣懷人愁隔水雲鄉

遙知幕府山頭望千里依然天塹長

關厚甫軍門輓詞

鯨浪掀天寇盜深誓填南海作冤禽釋冰難振三軍氣  
墮淚齊沾百姓襟纓結從容孤劔在旗飄慘澹大星沉  
睢陽厲鬼長餘恨未了英雄報國心

記曾海上共防夷

壬寅夏冬兩度同防夷於寶山

知己天涯悵別離移

節虎門資勇略封侯燕領憶英姿三年望奏平倭績萬  
里驚傳殉難時老母八旬兒弱歲欽君公義哭君私

寄梅莊

危城蹤跡尚淹留鼓角聲高比戶愁飛將登壇思故老  
杜陵詩句滿秦州

德州汪孟棠同年畱飲惠書

百囀黃鸝夏木陰醉君羅酒

德州酒名

記招尋秋風又過平

津館一載重逢話素心

放衙餘興寄濠梁坐玩游魚半畝塘依舊秀才風味好  
清談飽嚼菜根香

宵深車載錦編貽百卷無煩借一瓚鐙火青熒童僕睡  
窗間朗誦似兒時

東昌和朱別駕韻

遠岫秋增翠三齊次第看途長延好景才拙耐閒官  
歎歲民情薄空囊客夢安江南歸路近被寇惜凋殘

卽事

細字蠅頭寫窗間日影斜老年諳世味真樂羨田家

唐鈔

宋田家詩顏  
曰真樂集

釀酒泉明秫分甘逸少瓜風塵頻自笑鄉

夢繞煙霞

嘉祥卽景

西風斜挂片帆輕路指江南祇幾程勝地舊傳曾子里

浮雲高接兗州城，霜林得氣老逾青。  
泉水出山長更清，卽景苦吟成積習。  
不辭呼我是書生。

登南旺來汶樓

煙淨秋空歸思濃，振衣高閣撫虬松。  
征帆樹杪參差出，源水祠前左右逢。  
千里風來東海郡，五更日上泰山峯。  
羽書江左傳呼急，南望何時息堠烽。

不寐

夜泊荻花邊，秋蟲攪客眠。  
山峯銜月小，河水抱城圓。  
避地妻孥瘦，內子率稚孫稱兵吳越連。  
格苗昭聖武，白

氣互南天

時有白氣乃銷兵之兆按康熙十七年御史成其範奏白氣銷兵尋雲南平

上海典史楊慶恩哀詞

烏唬比屋闕無人妖談櫓槍徹海濱慷慨捐軀隨大將

陳提督化成

忠貞報國有微臣諸君竄後孤城破一命傾餘

正氣伸不朽芳名畱滬濱鸞棲幾輩歎沉淪

小醜幺臍敢橫行順流軍破潤州城來從滬濱經三郡  
去到鍾山祇兩程擾攘競翻江海浪恬嬉乍駭鼓鼙聲  
衙齋盡節民羅拜死事憐君跡最明

茱萸灣

江上罷傳烽宵深月挂峯清分河岸柳寒閣寺樓鐘敲  
句親鎧影銜杯倚劒鋒孤村警餘寇侵曉少行蹤

重題袖海圖

攪海翻江巨鯨吼鰕蟹懾伏魚鼈走圓嶠方壺頓雜糅  
霧噴彌天失林藪枯槎乘風徑犯斗蓬山有鼇空戴首  
橫海將軍印繫肘孝侯不試斬蛟手潮州祭鱷侑以酒  
何人靖此么膺醜梅莊繪圖兩年久適聽鼓鼙滯鍾阜  
鬣帆衝波下浦口魍魎跳梁貌深黝石城萬雉千軍守  
月夜烏嘯白門柳慷慨高歌驚戶牖拔劒斫地酒酣後

從壁上觀事非偶題詞得毋成識否胸中雲夢吞八九  
筆挽銀漢瀉清濶萬里破浪神抖擻壯志擊楫應無負  
我重賦詩供覆瓿釣竿欲伴煙波叟

題張仙槎紀游圖

丈夫不合鄉里住壯遊頻輕萬里路舟車鹿鹿徒風塵  
幾人真領山水趣先生縱覽宇宙奇博望家風好馳騫  
出門大笑意氣豪此身肯被浮名誤穿雲一屐峯頂來  
破浪千層洋面渡南極兩粵北上都重山複水看無數  
嶽瀆如芥納胸中大氣磅礴噴煙霧揮毫歸作百幅圖

歷歷遊蹤皆逢故從來山水推荆關許椽自有濟勝具  
於斯二者不得兼攜筇潑墨空交慕少文壁間圖臥遊  
迄今何曾傳縑素徐霞客李營邱仙槎雙絕稱獨步一  
圖成卽一詩成好山好水生好句退息六朝山水中人  
往圖存珍手付我喜披圖景燦然足蹟未到恍神遇詩  
畫同畱天地間寶物定有神靈護

內子來自廬江

亂後驚相見容顏病起餘別逾千里外歸趁小春初倚  
幌銷愁緒開觴慰索居攜兒山左去冒雪又登車

玳瑁  
兩兒

迎侍  
濟甯

詠苻堅

投鞭叱咤賦南征百萬雄師寇帝京未必小兒能破敵  
誰教來使自輸誠三軍潰散空肥水千騎逍遙倚洛城  
草木猶知尊正統固應山上作疑兵

論詩

詩豈能窮人往往與窮遇處境本非窮輒作不平訴少  
年意氣豪侔倖傷遲暮遭世異亂離愁歎強學步我讀  
古人書毫端供陶鑄江山引勝多得助出神悟樂事敘

天倫朋儕歡道故隨處見性情無怨何有怒大雅近自然冷淡領佳趣和平含諷諭蘊藉亦呈露窮達不關心淳樸祇守素詩中要有人無爲飾章句

生日述懷

妖氛甫息恰南旋春酒梅花十月天亂後精神驚矍鑠  
鐙前兒女話纏綿久逾常侍工詩歲已近溫公入社年  
鳩拙自安還自祝余別號拙安他時扶杖雪盈顛

昔遊四首

幾竿竹影上窗紗臥聽書聲早放衙舊侍先人宦遊地

訟庭開遍乳蕉花

高樓白雪蹟模糊詩景依然入畫圖記得攜朋遊歷下  
一城山色半城湖

王官谷口竹凌霄策馬來從冀北遙曾值酒香桑椹落  
看山千里到中條

青山頂上有人耕客向羣山闕處行當日湘南偶停轡  
萬年庵裏聽泉聲

讀漢書循吏傳

民無愁歎聲安之太守責如子情相親喜戚關肥瘠任

久乃服從法遵無變易漢史盛循良多是二千石  
民數達天府拜受重孳生胡爲加增僞邀賞博虛名行  
詐導姦宄政治奚由平莫爲史遷誤俗吏希王成  
居官能薦賢第一河南守延士得助多桐鄉繼其後部  
民爲立祠風俗徵淳厚父兄事有人庶無愧父母  
治道去泰甚亂民猶亂繩緩之不可急斯語當服膺學  
校興教化水泉灌溝塍隨地可勉爲潔已先飲冰

讀後漢書循吏傳

潔已而愛人是之謂廉惠還珠緣不貪開倉得普濟伯

周與仲謀不爲一身計卓哉兩太守嚮往庶能至  
縣官不可入一語何諄諄聽訟使無訟要在德化人母  
子兄弟獄訓誥感親親隨方輒曉示彌縫返樸淳  
河西理溝渠芎陂教墾闢山陽別肥磽曲江免傳役築  
隄與疏河非不惜民力利用爲大作厥象取諸益  
會稽尚仁惠安靜除煩苛劉寵洵長者姑息非同科山  
谷不見吏政通人自和鷹鷂亦俊才猛厲傷實多

織簾書屋詩鈔卷八 癸卯至乙巳

天津 沈兆澐 雲巢

舊劔

閱盡不平事模糊碧血處夜深風雨鳴欲化蛟龍去

殘畫

雲闕歸處山橋斷來時路解識畫中詩蒼茫無盡趣

樂官山

登場甘觸劔銑寒痛哭陽春曲罷彈凝碧池頭聞雅奏  
詩人低首樂官山

畱別蓉橋穆門蔗園梅莊汪永庵

三山碧影落遙天亂後樓臺尙巋然幾日安園纔煖席  
一江春水又乘船離情舊雨兼今雨樂事豐年補歉年  
半壁東南烽火息占星時望斗牛邊

燕子磯

孤亭縹緲接晴空吳楚青蒼一望中背水陳師尋壁壘  
使船如馬憶艤艫黃茅饅粥新田舍白日鼃鼃舊梵宮  
兵燹不堪重極目閒攜尊酒酌東風

贈范三都尉

驪歌聲雜燕鶯鳴紅杏香中出石城攜榼遠勞歧路餞  
登臺相對大江橫千名漫上三千牘貯腹應餘十萬兵  
南望海疆輦鼓歇山莊掩映夕陽明

宿衛甘泉舊執戈昇州遊宦十年過行軍卻穀敦詩少  
投轄陳遵結客多仕路無如鄉誼切離筵肯惜醉顏酡  
高情徑載扁舟去記取漁翁鼓枻歌

舟行望江上諸山

晚雲遙逐鳥飛還松際窺人月一彎慣駕扁舟衝巨浪  
羞將白髮對青山戍樓鼓角清宵裏梵宇樓臺翠靄間

地險金陵稱絕勝千峯合沓勢孱顏

夜泊江都

朝發金陵暮廣陵輕舟飛渡浪千層  
倏逢急雨迴風舞未辨平山蠟屐登  
春暖花迎臨水驛宵深客伴讀書鐙  
劫餘廿四橋依舊肄武新看月對棚

淮安詠古

甘羅城

傳說甘羅舊築城苔痕青向古錢生  
頻來我漸添華髮愧爾韶年位上卿

韓信釣臺

王孫芳草昔曾遊大將壇空鐘室愁  
嗚咽淮陰城下水至今猶自恨蕭侯

劉安故宮

拔宅昇仙事有無淮南宮殿莽榛蕪  
好文偏喜招方術甘讓河間集宿儒

枚臬宅

詞賦翩翩司馬儔君家父子筆橫秋  
芳鄰故里千年後尚有詩人趙倚樓

劉伶臺

文字生平惟一頌逃名卻以酒人名荒臺畱得糟邱蹟  
晚稻花開香滿城

米芾墨池

書家例有墨池傳想像揮毫染露鮮誰似風流淮郡守  
公餘滌硯向清泉

瑞兒入學詩以勉之並示長孫恩闈

汝偕孫應試聞汝遊泮水雲程著先鞭發軔從此始憶  
余十七時入學歲在己庚午登賢書占星周一紀汝兄

甲申歲補博士弟子旋中乙酉科相距一年耳上下五

十載科名喜繼起

汝祖登甲午副榜伯祖丙午舉人

汝今甫采芹又將

廿載矣去夏金陵城被賊危卵索余適滯行役汝母遠

遷徙冬初返衙齋賊返驚未已汝來自京師馳驅三千

里侍母寓任城尋卽回桑梓

二十二年七月維鈺欲赴廬江迎母余以其供職薇

省力阻之時維璫需次濟甯九月赴廬江十月回江甯十一月維璫維瑞奉母之濟甯二十三年正月維瑞旋

天津

應試硯田久荒蕪獲雋安敢擬一被春風吹芳園秀桃

李詞林有根柢菑畬惟經史倚馬縱萬言雕蟲祇小技

余與維鈺皆以詩古第一入選茲維瑞亦應詩古試取錄

世人讀詩書立志取金紫

科名豈不貴所貴在窮理博觀而約取孜孜惜寸晷慎  
毋涉矜夸鞭辟須近裏文字出性情淳古異綺麗奮力  
追作者伯仲互礪砥阿咸露頭角頻年共書几篤好先  
儒言恩闕喜讀近思錄相薰蘭與芷汝將應鄉闈次第喜濟美  
山以一簣興詎以一簣止莊敏有彝訓名成重踐履作  
詩用策勵吾孫功勿弛時維癸卯春扁舟淮城艤

韓莊

舟輕信晚風人語水聲中一碧微山影湖流處處通

彭口東蔗園

微山湖畔客舟停  
迎面山光帶雨青  
記得石城門外別  
春風一百五郵亭

西灣

西灣幾里碧波澄  
一水中分沛與滕  
荒驛夜深停戍鼓  
疏林煙淨見漁罾  
蒼溪泛宅頗相似  
栗里歸田尙未能  
坐倚隱囊愁不寐  
前身應是打包僧

野望

桑野人耕新雨後  
酒旗風颺落花時  
何當策騎同山簡  
一醉高陽習氏池

卽事東佩庚

來逢春日去逢秋笑我行蹤與鴈謀  
四度頻仍過舊里一年強半住扁舟  
圍城破膽符堅寇飄舍關心瓠子流  
去歲金陵被兵桃源決隄高臥輸君愛閒靜吟詩月夜水明樓

舟次卽事東索梅莊和句

帆挂輕煙十幅蒲從容展卷足清娛  
文含鴻烈風霜氣詩仿張爲主客圖  
結習難忘欣見獵縱談誰共獨操觚  
年來寫徧江山景篆刻雕蟲愧壯夫

題鄭稼夫種菜圖

寒菜一畦綠風來香滿門呼童頻摘取眞味此中存

又題谷口安耕圖

先生家住太湖邊湖上芳塍繞碧煙應識耕餘無箇事  
稻花香裏泛湖船

歸計江南買犢耕風塵蹤跡滯任城披圖我亦縈鄉夢  
七十二沽秋月明

滄州憶王一樵

官柳白洋橋長隄宿霧消野花翻蝶影春水長魚苗入  
耳鄉音熟懸林酒望遙故人乘鶴去愁對海門潮

津門寄樹君永平

城枕河流集萬艘將軍曾此駐旌旄幽燕勁旅連營壘  
韓范威名靖海濤十里魚鹽囂市雜滿城笙管畫樓高  
畿南不改繁華象拱衛憑舒宵旰勞

衛安門外柳煙青客裏還鄉畫舫停問字荒祠迷蔓草

少曾讀書校詩丙舍認回汀  
福壽宮先塋 翔翔孤影雲

城北寺中河水滌洞

中鴈來往浮蹤水上萍好句都官應寄我舊交零落幾

晨星

漫成

風利何妨上水船當風渾不畏炎天帆隨岸轉頻南北  
總有風來一面偏

孟棠同年刊其亡友王笠舫綠雪堂遺集感賦

摩詰詩才勝遺編爲刊行文章傳沒世生死見交情有  
客題佳製無人忌盛名九泉應慰藉不負笠車盟

魏笛生觀察屬補題潞河秋禊圖

嫩涼天氣暮春如白舫青簾汎綠渠荷送幽香風定後  
波涵秋影鴈來初清談入座人揮麈逸興推蓬客釣魚  
好句吟成排一一蘭亭重見右軍書

新刊三言金卷二  
如此風流近代無公餘觴詠友朋俱使君心迹如秋水  
潮縣人家隔綠蒲老去閒尋孫綽賦歸來飽飫季鷹鱸  
我今弭櫂尋遊迹擬補棠陰惜別圖

和崇雨舫方伯十雪詩

問訊雪消息何時醞釀成雲寒天一色風定樹無聲預  
擬空山積微看薄霰生安排呵凍筆畫意滿江城欲雪  
閒庭人峭立薄暝驟寒時舊雨懷前度新梅見一枝亂  
鴉棲樹穩獨鶴下煙遲恰有良朋至攤牋坐詠詩初雪  
天花空際舞萬朵擁高樓大好添詩興何須泛釣舟軒

窗延皓月門徑俯寒流一笑風塵裏青山亦白頭對雪  
紅塵飛不到一徑雪痕深著屐野橋路倚筇松樹林孤  
鴻畱爪跡空谷有楚音處處梅花繞底須東郭尋踏雪  
高臥不知冷凍雲低壓檐邁廬天地大竹榻夢魂恬涼  
任北窗至香應東閣添轉憐遠行客冒雪朔風嚴臥雪  
埽來三徑雪清興伴詩瓢石鼎寒泉滌甌盪敗葉燒冰  
霜心共潔煙火氣全消領略閒中味煎茶破寂寥煮雪  
妙挹嚴冬雪凝寒入夏融早藏深窞裏滿貯古瓷中開  
甕瓊漿好烹茶荷露同誰知老桑苧護惜比天工藏雪

宵盡殘雲斂，天空透碧光。  
園林餘積雪，樓閣豔朝陽。  
邀客圍鑪煖，呼僮縛帚忙。  
晚來涼月上，輝映聚星堂。  
晴雪殘雪如新雪，江村入望寬。  
眠鷗明水畔，闕月墮林端。  
潤物餘膏易，經時本色難。  
澹交真耐久，畱取百回看。  
殘雪迢遞吟鞭外，霜華點鬢毛。  
關心茅舍冷，回首玉堂高。  
伫月臨窗久，看花入夢勞。  
江南江北路，取次潤春膏。

久戀

久戀江南魚米鄉，素餐無補鬢毛蒼。  
晨星聽鼓應官急，夜雪挑鐙判牘忙。  
呼我駑駘隨應馬，看人臧穀共亡羊。

年來參透楞嚴諦爲禮空王一瓣香

題虞山觀海圖

獨立危峯頂泱泱縱大觀波濤來一綫日月浴雙丸地  
曠風煙淨心閒宇宙寬虞山十年別又向畫中看

余於甲午

春遊  
虞山

題前身庾嶺一高僧圖

冰心鐵骨不知寒如此清高修到難誰識前生孤嶺上  
萬花香裏一蒲團

仙境羅浮夢亦眞看花我是舊遊人趨庭兩度梅銷嶺

彈指光陰五十春

余髫齡隨侍  
官遊粵東兩度庾嶺

先大夫

句容

平原風急捲輕煙  
落日光寒雪霽天  
老樹槎枒垂木稼  
童山層壘接梯田  
神祠舊識曾三宿  
客路重經又五年  
差喜宵來無候吏  
閒搜壞壁錄詩篇

自上元至武進道中雜詠

華陽仙嶺碧參差  
駐馬荒城薄暮時  
句曲恨無三日住

隄廩竹膜塌殘碑

顏魯公元靖  
碑在學舍

挂席丹陽曉霧開  
毘陵百里趁潮來  
此行不負扁舟興

載得青蓮詩集回

孫達齋惠李  
申耆新刊集

臘鼓聲中淑氣新  
片帆何事滯江濱  
梅花笑我遲歸去  
孤負安園一樹春

行蹤鴻爪印泥痕  
鞭影山村又水村  
僮僕漫嫌寒冒雪  
有人僵臥閉柴門

夜行雪中

百里絕人跡  
孤村投宿難  
泥深羸馬倦  
風勁敝裘單  
入夜天如曙  
迎春歲欲闌  
早梅開幾樹  
冒冷雪中看

偶成

四載水程三萬里南旋猶復櫂孤舟閒騎款段行鄉里  
臥念平生馬少游

癸卯十二月兼攝藩篆甲辰正月移居瞻園倩段  
文波繪圖因賦

池深樹古石嶙峋春早名園住浹旬漫道衙齋無暇晷  
梅花香裏坐垂綸

題崔念堂歸田詩

舊句吟黃葉閒情寄考槃松風塵外聽雲水靜中看詩  
爲精嚴少人求古淡難何時聚朋好愁絕憶都官

謂樹君

偕龔藍生彭雪嶺遊平山堂

幾度過維揚。市厭擾攘勝遊茲。及時鶯飛芳草長。言  
尋蜀岡路。容與蕩蘭漿。桃塢蒸紅霞。竹泉漱清響。步自  
萬松亭。美蔭寬且廣。陂陀厯層巔。苔徑拾級上。堂高恣  
遠眺。豁然境開朗。隔江南。徐山羅列平於掌。階屺延夕  
佳襟袖。挹朝爽。冷然天風來。頓作出世想。緬昔六一公。  
攜朋芳筵敞。詩成互倡答。千秋畱眞賞。欄檻倚晴空。雲  
樹接莽蒼。超然塵壒外。乘興數來往。我輩困簿書。偶焉  
屐著綈。羣山笑相迎。春光娛駘蕩。俯視綠楊城。園亭盡

新集詩話卷之八  
榛莽傑閣獨巋然清風共景仰

桃花塢

白塔南來一水遙淡雲微雨鳥聲嬌桃花萬朵如鋪錦  
紅過前溪玉版橋

髣髴仙源客問津攜柑多少冶遊人隔河相對梅花嶺  
冷落忠魂萬古春

露筋祠

蓬窗吟罷夜深時帆飽東風繫纜遲一派淮流清見底  
月明如畫露筋祠

邵伯隸

棗花香裏鷓鴣嘯綠柳陰濃夕照低三十六湖新漲闊  
漁舟爭泊謝公隄

惠濟牐紀事

牐逼洪湖水來洶湧俗謂之大牐通濟二牐福  
興三牐大二牐之間東以草堰如大牐水盛閉  
二牐則大牐水平草堰間或被沖而舟行無慮  
反是有慘不忍觀者聊紀以示戒

水似人心不肯平波濤起伏迅雷鳴堪憐夾岸千夫集

坐看風漂一葉輕

哀鳴退鷁墮迴波土塌依然奈若何寄語監河斟酌否  
行人比草值錢多

上牖連檣沂激湍一舟沉處衆心寒漫爭險易道途利  
萬事從來是穩難

衛河雜詠

臨河不見數帆樓樓芥子園前好泊舟爲愛城西一條

水海潮來處卻交流

南運河來自西南海潮自東南來入運

滄州有酒號麻姑薄醉朝朝罄玉壺客久最思鄉味好

吳江一樣憶蓴鱸

吳橋水淨石粼粼丞相祠堂萬古新勒石記曾傳墨寶

漢曾刻范臨流一掬薦溪蘋

文忠墨蹟

河流圓折抱荒祠入望煙村欲到遲漫道石尤慣畱客  
轉帆卽是順風時

屯氏河長灣復灣平原卻少碧孱顏天公巧補燕南景  
處處秋雲處處山

一舸中流自在行輕風助我達前程麤官懶讀桑經注  
古淺從他不辨名

舟行

人耽舟行逸又憚舟行險險去逸興多蘆花水清淺小  
舫無帆檣柔艣任撥轉隨意數游鱗觸手摘新芡微風  
颯然來落花浮點點素心雨三人雜坐品茗薺蕒漾數  
里間蓑笠安莞簟大江浪掀天莫矜駕巨扁

偶成

布帆無恙逸於車泛宅浮家總自如飲酒惟嫌同坐少  
看花祇隔小窗疏清風來似逢良友熟路經如習舊書  
五載往還渾不覺行程三萬六千餘

靜海遇風

倉猝維征櫂輕揚一葉微狂風吹水立驟雨挾煙飛徑  
擬深藏壑何堪猛撼磯予懷殊坦蕩鷗鳥共忘機

重過四女寺疊前韻

寺新移舊寺南易儒衣冠爲女子服飾額曰貞  
孝節義庭前斷碑二一紀漢景時孝女一紀唐

女學士

遷地依然一畝宮重新廟貌表尊崇院埋殘謁春苔綠  
門繞清流夕照紅舊事傳疑千載上貞心難得一家中

從來才媛應無數誰繼緹縈孝女風

過西華門感雨園前輩

玉螭達西華香清菡萏花不堪頻過處爲近故人家

中秋後一日出都

看徧秋荷玉螭傍吟鞭歸惹木犀香侵晨雨洗紅塵淨  
負郭橋通綠水長暇日兒童饒笑語多情朋舊勝壺觴  
剛過佳節忽忽去千里還同夜月光

潞河卽景示恩闈孫

一鏡月猶圓宵行潞水邊淡黃霜後柳新翠雨餘天百

里童孫送三秋倦客旋明年重聚候記取似今年

東阿弔曹子建

不見諸王十二春黃初遺令絕親親誰知上疏才人筆  
早識移權異姓臣洛邑宗盟羅玉帛魚山梵唄靜囂塵  
風流割據消沉盡籬豆花開汶水濱

重陽作

金尊濃染菊花香肥蟹登盤帶晚霜最好舟行雲樹外  
無風無雨過重陽

迢迢一水幾彎環無數秋林夕照殷坐倚舵樓堪眺遠

登高何必定龍山

秋深歲歲滯途中看遍霜花萬樹紅  
沾上遙知逢九日茱萸插處話江東

敏捷文如下水艘聯吟韻事繼題餽  
梅莊同行平生頗笑潘邠老租吏消磨詩興豪

彭口

泗上亭空幾度過長隄秋柳舞婆娑  
疏篷點滴三更雨淺水縱橫十字河  
田畔花開滕縣近天邊雲起嶧山多  
我非重客勞賢令臥聽漁翁欸乃歌

宿遷

舟行貪曉睡夢裏度泖河日色松林冷秋聲葦岸多  
霸圖餘悍俗豐歲足嘉禾昨夜零微雨新添碧水波

自題亭角尋詩圖

想像園林宿雨晴百花濃似錦官城何曾一到茅亭畔  
倚柁吟詩當紀程

題范廉泉明府水繪園補禊圖

湘閣歸然略約平春風依舊喚流鶯百年裘屐聯嘉會  
上日園林遞主盟汀鷺沙鷗隨澹淡雨絲煙柳近清明

使君新種花千樹添得濃陰滿雉城

記得鉢池三月天匿峯廬外集羣賢  
竭來觴詠今猶昔如此遨遊吏亦仙  
山郭重看開畫本煙波遠似泛湖船  
新移勝地華林近好和延之曲水篇

明府量  
移江甯

### 晚登塔影樓

塔勢並樓高憑欄意氣豪娟娟新月影  
謾謾萬松濤茶嫩烹龍井官閒似馬曹  
臨風吟謝朓懷古首重搔

### 詠菊

甘谷仙人種懷此貞秀姿  
陶淵明彭澤去涼雨瘦東籬

詠梅

別韻何人賞芳園豔牡丹  
逋仙孤鶴遠瀛嶼自清寒

賈客行

建標陳肆賈客多賈客近海熬素波  
牢盆坐收三倍利四民之末勢巍峩  
不耕飫膏粱不織衣綺羅入重出輕  
和沙土腴膏飽橐惟鹹鹺責人越境  
已登壟析及秋毫厚貲擁章服閭里  
肆矜夸牧羊卜式新承寵奢侈僭越  
逾通侯高車駟馬僣從稠大婦駢珠  
翠小婦彈箏篴服飾不衷狎倡優呼  
盧浮白市井儔俾畫作夜無時休子

弟淫泆不知愁揮霍空虛虧官賦補苴促襟肘又露樂  
極悲來迫歲暮逋逃杳杳不知處

元祐黨籍碑歌

碑置元祐毀崇甯沈暉搨本猶分明三百九人炳日星

惜哉闕入張商英吁嗟乎一片石千秋名

當毀碑時蔡京厲聲曰碑

不可毀名涑水眉山標典型其餘一一垂丹青魍魎形狀

乃自呈書碑僕射臣蔡京

按碑爲黨人沈千曾孫沈暉所刻暉跋云第六十三人乃

暉之曾大父也後復官終提舉杭州集真觀贈奉政大夫暉幸託名節後敬以搨本錢諸玉融之真仙岩以爲

臣子勘嘉定八月既望古書沈暉識見筠廊偶筆

河上老人行

河上老人頻歎息桃浪新添纔幾尺預防秋水滔滔來  
九宮落地占三白月盤九宮凡三白值居一六八宮主大雨先期比櫛集菱  
茨未雨綢繆慎罅隙日長畚鍤殊從容岸高金錢莫吝  
惜試想洶涌浪拍隄去馬來牛斷行迹奔走倉皇塞漏  
卮何如及時興徒役旁觀殷憂主人嗔進策雖良心太  
亟請君食芋勿多言焦頭爛額爲上客

擬詠史新樂府錄二十

李西涯創爲樂府新聲詠前史所列行事流布

當時膾炙人口茲擬爲之雖不敢比蹤懷麓庶  
幾得十一於千百諷誦之餘藉資考鏡云爾

細柳營

周亞夫細柳營天子來按轡行持節詔使壁門開將士  
無譁刁斗鳴卻怪韓信多多善奪軍視若兒童輕

鄧通錢

嚴蜀道銅山關鄧氏錢如山積通行天下勝三官君賚  
自厚臣無癖記得當年罷露臺中人產尚百金惜

隱金門

言滑稽行卓犖隱金門人不覺漢武求仙惑方士渤海  
神山終眇邈可歎侍帝十八年歲星卽是東方朔

### 未央廢

君怒詢驕驕瘦臣曠官未央廢臣憂君疾分臣心君識  
臣忠蒙君宥病起甘泉道不治義縱酷吏殺無救

### 霸陵尉

霸陵尉醉如醒呵將軍止夜行從戎定能嚴紀律報怨  
胡爲正典刑辱我壯士官中尉淮陰度邁右北平

### 稽古榮

桓少傅稽古榮陳印綬炫諸生徒使故人譏學利何如  
純儒事客耕回賜不聞稱官闕此語我佩鄭康成

淮南仙

同好書各精選一神仙一墳典河間有客祇通經淮南  
有客乃謀反拔宅莫信淮南仙淮南之客皆雞犬

弔張讓

弔張讓屈仲弓拯黨禍介而通依然壁立高千仞何曾  
趨附孟佗同惜哉陳羣不善學易代黃初佐命功

加九錫

權臣操辱先極封吳王加九錫昔擊赤壁大破曹今兼  
六郡甘降賊生子當如孫仲謀誰知一錢竟不值

五斗米

宰彭澤歸栗里桃花源寄興耳桓公後人不仕朱萬鍾  
祿亦五斗米心純絕勝謝客兒當日知君一開士

捫蝨談

捫蝨談冠當時婆樓薦草付依中朝人物識大義典午  
正朔毋興師後晉契丹不入寇異世亦有韓延徽

唐四傑

唐初文稱四傑當時體才超越行儉器識本至言窮通  
論人乃俗說請看中有駱賓王討墨檄文炳大節

睢陽城

控江淮睢陽城張都督待救兵破城旋復反掌易全廿  
四郡死如生掘鼠羅雀非堅守子奇何由十日平

歇後詩

元符相歇後詩譏時事託微詞主文譎諫柴忱竭避賢  
高位累表辭鄭五詎諧殊有用廬郡曾退黃巢師

朱五經

朱五經困鄉里善讀書望濟美全忠負君竟移唐節度  
本一百姓耳受禪怒擊幸有兄庶幾不愧五經子

徐鉉使

徐鉉來就使館儀雍雍論侃侃宋室伴使非無才不識  
字人膺妙選詞令不答可奈何拙勝大巧善使短

放鄭聲

王介甫難爲兄諭學士放鄭聲吹笛何損桓叔夏遠佞  
應絕呂惠卿擇友更期無縱子勸父殺人新法行

僦民屋

續通志卷之八  
責雷州僦民屋嚴追治無託宿章惇下令苦潁濱不期  
惇亦雷州逐恰似出關驗無符商鞅狼狽逃函谷

比驂乘

竭宏才輔幼主甘奪情厭解組諫臣慷慨志逐雀權相  
威嚴勢騎虎嗟哉驂乘以霍光功過分明心獨苦

襄陽陷

增練餉加因糧四正設六隅張累民九百六十萬賊廿  
八騎陷襄陽廷推閣臣能誤國道周不如楊嗣昌